

Plaza di Cultura lo cay bou maneho di Cas di Cultura

Cas di Cultura lo conoce renobacion cu fondo di FDA y UNOCA

ORANJESTAD - Plaza Betico Croes lo cay bou maneho di Cas di Cultura cu ta un fundacion. Nan lo tin e maneho di e plasa aki y bou un acuerdo nan lo ta encarga cu e mantencion y percursu pa e uzo ya cu e plan ta inclui un expansion di e uzo di e plasa menciona.

Den e trabou di renobacion cu ta tumando luga lo wordo construi full un sala cu culturalmente pa diferente disciplina artistico como danza, teatro, etc.



Cas di Cultura cu ta net na banda di e plaza aki lo ta encarga cu e plasa totalmente pa asina genera entrada pa e fundacion aki, y percursu pa e wordo uza di e miho forma cu ta posibel. Esaki pa medio di huur e plaza, sala y demas facilidad cu e plasa lo tin disponibel pa actividad publico. Minister di Cultura, Sr. Otmar Oduber a bisa cu naturalmente gobierno ta keda e instancia envolvi den e acuerdo aki, caminda nan mester di e aprobacion di e mandatario di Infraestructura y tambe di Cultura. Tambe den e

maneho lo tin prioridad ora cu e plasa lo wordo uza.

E mandatario a bisa cu gobierno tin atencion pa Cas di Cultura cu tambe ta pasando den un situacion dificil ya cu mester di inversion. Parti di e fondo maneha pa UNOCA lo ta destina pa Cas di Cultura, y tambe parti di FDA, destina pa yuda renoba e infraestructura di Cas di Cultura.

“Nos ta bay ta parti di e renobacion aki via UNOCA y via FDA, nos lo tin fondo disponibel tambe cu fondonan cu a resta”, el a bisa. □